



REPUBLIKA E SHQIPËRISË
KOMISIONI QENDROR I ZGJEDHJEVE

Komisioneri Shtetëror i Zgjedhjeve

Data: 9 Maj 2023

Nr: 471

Ora: 12:00

V E N D I M

P Ë R

**SHQYRTIMIN ADMINISTRATIV TË DENONCIMIT NR. 379 ID, TË Z. IVI KASO NDAJ
DREJTORIT TË QENDRËS KULTURORE "MARGARITA TUTULANI", PËR SHKELJE
ADMINISTRATIVE, PËR ZGJEDHJET PËR ORGANET E QEVERISJES VENDORE TË DATËS
14 MAJ 2023**

Sot më datë 9 Maj 2023, unë Komisioneri Shtetëror i Zgjedhjeve mora në shqyrtim çështjen administrative me:

KËRKUES: Z. Ivi kaso

SUBJEKT: Z. Arben Qafa, Drejtor i Qendrës Kulturore "Margarita Tutulani", Berat

OBJEKT: Shqyrtim administrativ për shkelje administrative në kundërshtim me parashikimet e nenit 91, të Kodit Zgjedhor

BAZA LIGJORE: Në mbështetje të nenit 19, pika 1, shkronjat "dh", "f" dhe "n", pika 2, neneve 91, 92, 171, pika 1, të ligjit nr. 10019, datë 29.12.2008, "Kodi Zgjedhor i Republikës së Shqipërisë", të ndryshuar, vendimit nr. 9, datë 9.3.2021, dhe vendimit nr. 9, datë 24.12.2020, të Komisionit Rregullator

Në përfundim të këtij shqyrtimi,

K O N S T A T O J :

Z. Ivi Kaso ka depozituar denoncimin regjistruar me numër regjistri 379 ID, për të cilin pretendohet se ka patur përdorim të burimeve publike për qëllime zgjedhore.

Neni 19, pika 1, shkronjat “dh”, “f” dhe “n” e pika 2, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar përcakton kompetencat që ushtron Komisioneri Shtetëror i Zgjedhjeve.

Mbështetur në përcaktimet e nenit 8, pika 3, të vendimit nr. 9, datë 9.3.2021, të Komisionit Rregullator, pasi shqyrtova paraprakisht çështjen, vlerësoj se informacioni apo të dhënat e treguara krijojnë një bazë të mjaftueshme për të nisur hetimin administrativ.

Referuar nenit 7, të ligjit nr. 10279, datë 20.05.2010, “Për kundravajtjet administrative”, kompetenca për konstatimin e kundërvajtjes, me përjashtim të rasteve kur ligji parashikon ndryshe, i takon organit administrativ, përgjegjës për zbatimin e ligjit të posaçëm, titullarit të organit administrativ, që merret me zbatimin e ligjit, në rastet kur ligji nuk shprehet për kompetencën për shqyrtimin e kundërvajtjes dhe nxjerrjen e vendimit përkatës.”

Në vijim të procedurës administrative, filloi hetimi administrativ, duke kërkuar informacion në lidhje me veprimtaritë publike të paraportuar në ndërfaqe.

Denoncuesi nëpërmjet shkresës së administruar nga Komisioni Qëndror i Zgjedhjeve, regjistruar nga ana jonë me nr. **379 ID**, ndër të tjera pretendon se:

“Qendra Kulturore “Margarita Tutulani”, në faqen e saj ne rrjetin social “Facebook”, shpërndan dhe kryen aktivitetet propagandistik elektoral në favor te kryetarit aktual të bashkisë Berat, z.Ervin Demo.”

Provohet se në faqen zyrtare të rrjetit social “Facebook” të Qendrës Kulturore “Margarita Tutulani”, Berat është postuar fotografi e kandidatit për kryetar bashkie z. Ervin Demo, për bashkinë Berat, në zgjedhjet për organet e qeverisjes vendore të datës 14 Maj 2023.

Nga verifikimet paraprake dhe provat e administruara, vlerësoj që faqja e rrjetit social “Facebook”, me emrin “QK Margarita Tutulani”, është faqja zyrtare e institucionit në rrjetin social “Facebook”.

Referuar nenit 91, pika 1, të Kodit Zgjedhor “Me përjashtim të rasteve të parashikuara me ligj, **nuk mund të përdoren ose të vihen në mbështetje të kandidatëve**, të partive politike ose të koalicioneve në zgjedhje burime të organeve apo enteve publike në nivel qendror ose vendor, apo çdo lloj enti tjetër ku shteti zotëron kapitale apo kuota ose/dhe emëron shumicën e organit mbikëqyrës apo organit administruar të entit, pavarësisht nga burimi i kapitalit ose pronësia.”

Vënia në dispozicion e faqeve zyrtare në “facebook” apo çdo mjet tjetër elektronik (media sociale) të institucioneve publike për publikimin dhe ripostimin e veprimtarive me karakter politik/elektoral në zgjedhje, nga ana e këtyre institucioneve përbën përdorim të burimeve

publike. Në kushtet ku nga ana e Qendres Kulturore “Margarita Tutulani” Berat, është bërë një postim i një veprimtarie me karakter politik/elektoral vlerësoj se jemi përpara një shkelje administrative të Kodit Zgjedhor, pasi vërehet qartazi promovimi i subjekteve zgjedhore, në zgjedhjet vendore të 14 Maj 2023.

Për sa më sipër, në mbështetje të dokumentacionit të disponuar, provave dhe fakteve të administruara gjatë hetimit administrativ rezultoi se rasti objekt denoncimi regjistruar me nr. 379 ID përbën shkelje të nenit 91, të Kodit Zgjedhor dhe duhet t’i tërhiqet vëmendja të personave përgjegjës në mënyrë që të tregohet kujdes në postimin dhe ripostimin e veprimtarive të ndryshme. Për rrjedhojë, referuar nenit 171, pika 1, të Kodit Zgjedhor, kur shkelja nuk përbën vepër penale, *dënohet me gjobë nga 3 000 (tremijë) deri në 90 000 (nëntëdhjetë mijë) lekë.*

PËR KËTO ARSYE:

Bazuar në nenin 19, pika 1, shkronjat “dh”, “f” dhe “n”, pika 2, nenit 91 dhe 171, pika 1, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, vendimit nr. 9, datë 9.3.2021, dhe vendimit nr. 9, datë 24.12.2020, të Komisionit Rregullator në Komisionit Qendror të Zgjedhjeve

V E N D O S:

1. T’i propozojë Komisionit të Ankimimeve dhe Sanksioneve marrjen e masës administrative ndaj:
 - z. Arben Qafa, drejtor i Qendrës Kulturore “Margarita Tutulani” Berat, në vlerën 5 000 (pesë mijë) lekë.
2. Fshirjen e menjëhershme të çdo postimi apo ripostimi me karakter elektoral nga faqja zyrtare e Qendrës Kulturore “Margarita Tutulani”, Berat.
3. Rezultatet e këtij vendimi i njoftohen palës nëpërmjet postës elektronike.
4. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
5. Kundër këtij vendimi mund të bëhet ankim në Komisionin e Ankimimeve dhe Sanksioneve brenda 3 (tre) ditëve nga shpallja e tij.

Komisioneri Shtetëror i Zgjedhjeve

Ilirjan CELIBASHI